

INUIT ATAQATIGIIT INATSISARTUNI



UPA 2022/110

02.Juni. 2022

Johan Lund Olsen

Inatsisartut aalajangiiffigisassatut siunnersuut Naalakkersuisut peqquneqassasut piffissaq nunatta nunasiatut inissisimajunnaarfiani pisut qulaajarneqassasut, piffissaq pineqartoq Naalagaaffiit peqatigiit nunasiaataajunnaarsitsinissamik piunasaqaataat Danmarkimit malinneqarsimanersut misissuiffigineqassasoq. Qulaajaanissamut suliakkiissummik kikkunnullu suliarineqarnissaanik aalajangiiffigisassamik UKA 2022 Inatsisartunut saqqummiunneqassasoq suliakkiissullu qinigaaffik naatinngu aallartinneqassasoq.

Inatsisartunut ilaasortaq Doris J. Jensen, Siumut

Aappassaaneerinninnermi oqaaseqaat.

- Siullermik Inuit Ataqatigiit sinnerlugit paatsuugassaannngitsumik erseqqisumillu oqaatigeqqaassavara Inatsisinut Ataatsimiititaliap isumaqatigiittup – isumaliutissiisutaani tikkuarneqartoq, tassalu siornatigut DIIS-ip (Dansk Institut for Internationale Studier) nunatta nunasiatut inissisimajunnaarfiani pisarsimasut pillugit 2007-imi qulaajaasimanerat, aammalu tamanna pillugu danskisuinnaq naqitanngorlugu nassuiaatitut saqqummersissimasaat apeqquserneqarsinnaasoq - Inuit Ataqatigiinnit isumaqatigilluinnaratsigu.
- Taamanimi DIIS-ip qulaasaasimanera saqqummerniariartoq Inuit Ataqatigiit sinnerlugit uanga nammineerlunga qulaajaasimaneq – nunattalu nunasiatut inissisimajunnaarfiata nalaani pisarsimasut pillugit danskinit nassuiaatiginiarneqartut – amigaateqaqisut piviusuviillu pillugit eqqunngiluinnartunik tunngaveqartut – 2007-imi isertuaatsumik tamanut saqqum-

INUIT ATAQATIGIIT INATSIARTUNI



miuttareersimavakka. Tamanna taamani Inatsisartuusunut aammalumi Naalakkersuisuusunut apuunneqarput, piumasarivarpullu danskit naalagaaffiata taamani nunasiaatilittut pissusilersuutigisimasai – nutaamik qulaajaaffigineqartariaqartut - inuiattut oqaluttarisaanerput kalaallit isaannit eqqornerpaaq naapertuunnerpaarlu aamma tamanut – minnerunngitsumillu kingulissatsinnut - saqqummiunneqarsinnaaniassammat.

- Taamatut oqareerlunga taamaattumik Inuit Ataqatigiit erseqqissumik nutaamillu qulaajaqqusinissaq pillugu Naalakkersuisutsinnut piumasarissavarput, tamatuma danskit oqartussaasuinut naalakkersuisuinullu attuumassuteqarsinnaanngilluinnartunit ingerlanneqassasoq qulakkeerniaqqullugu, aammalu minnerunngitsumik qulaajaasitsinerup nunatsinnit siulersorneqassasoq piumasareqqullugu. Qulaajaasitsineq danskit oqaluttuarisaanermik ilisimatuuinut taamaallat suliarineqaqqullugu imissutigineqaannassanngilaq. Inuiaat kalaallit oqaluttuarisaanitsinnik immikkut ilisimasaqartortatsinnit peqataaffigineqartissavarput uagullu inuiaat kalaallit sinnerluta qulaajaasitsineq taakkua siulersortariaqarpaat.
- Taamatullu oqaaseqarluta erseqqissaateqarlutalu Inuit Ataqatigiit nalunaarutigissavarput - Ataatsimiititaliap isumaqatigiittup, siunnersuutip akuersaarneqarnissaanik inassuteqaataa - taaseqataaffiginiaratsigu.